

կողմերը, որոնք ինք հարևու հողի սպասարկելու համար իրապես մեծամորթի բանակ մը ըլլալու էին:

Ուրիշ հայ պատմիչ մը, Եղիշէ, մեծարժէք վկայութիւն մը ունի մեր նիւթին շուրջ: Ան խօսելով Պարսկաստան ահամայ գերեալ հայ նախարարներու եւ եկեղեցականներու մասին՝ կը պատմէ թէ ինչպէս անոնք կը հիւրասիրուէին մողպետէն, վայելելով ճաշեր եւ խնճոյքներ, եւ սակայն այդ ուրախութեան միջոցին իսկ «ի ժամ բազմականացն կարծիք իմն եղին ի միտս սրբոցն վասն երիցու միոյ՝ որ էր ընդ նոսա ի սուրբ կապանսն. զի ի մէջ շինական մարդկան կեցեալ էր, եւ տղիտազոյն եւս էր ի գրոց միւթարութենէ: Հրամայեցին ունել զգլուխ բազմականին. ետ պատասխանի երանելին եւ ասէ. — Զի՞նչ է այդ զոր դուքդ գործէք. եւ կամ յինչն զի՞ թաքուցանէք զճաճուկս խորհրդոցդ: Ես քան զկրտսերս ձեր խոնարհագոյն եմ, եւ քան զեւս փոքունս յաշակերտաց ձերոց տգիտագոյն եմ. զի՞մք կարացից այդմ տանել: Այս իսկ մե՛ծ էր ինձ, զի սուրբ կապանաց ձերոց հագորդեալ եմ այսօր: Եթէ արժանի համարիք ձերում սեղանոյդ, կալարուք դուք զիւրաքանչիւր տեղի բազմականիդ, եւ հրամայեցէք ինձ զիմ տեղին: — Եւ բոնադատեաց մեծ եպիսկոպոսն Յովսէփ միաբանութեամբ ա՛մենայն սրբոցն, եւ ի վերոյ քան զամենեսան բազմեցուցին զնա»:

«Եւ իրբեւ բոլորեցաւ ահումբ բազմականին, եւ հագորդեցան ա՛մենեքեան ի կերակուրն զուարթութեամբ»⁽²⁵⁾: Գեղեցիկ խոնարհամրութեան պատմուածք մ'է Եղիշէի պատմածը: Մենք հոն կը գտնենք խումբ մը մեծատուն հայեր, որոնց կ'ընկերանան հայ եկեղեցականներ եւ վերջիններուն կարգին նաեւ համեստ քահանայ մը, Պարսկաստանի մէջ արգելափակ՝ ի սէր իրենց Քրիստոնէական կրօնքին: Իրարու հանդէպ իրենց եզրայրական սիրոյ արտայայտութեանց կարգին անոնք խնճոյքի մը ժամանակ կը նկատեն համեստ քահանան առանձին եւ հետո իր ազգակիցներու աղնուեկան խումբէն: Ազնուականները միախորհուրդ կ'ուզեն որ քահանան իրենց սեղանին զուիւր

(25) Թիֆլիս, 1904, էջ 222-223: Ողբացեալ ճարտարպետ թորոս թորամանեան նկարազրկով Շապին Գարահիսարի «մեծ տուն շինող հարուստներ»ու հարսնիքներու եւ տօնական խնճոյքներու ճաշարարձը. «Բազմոցին (փայտաշէն) ամբողջ երկայնութիւնով կը փռուէին խոտով կամ բուրդով լեցուած ներքնոցները բաւական զգալի թանձրութեամբ, որուն մախաթ անունը կու տային: Ներքնոցներուն վրայ կը փռուէին թանկագին գորգեր յատկապէս բազմոցներու իւրաքանչիւր կողմին լայնութեան եւ երկայնութեան չափով գործուած, այնպէս որ բազմոցին հորիզոնական լայնութիւնը ծածկելէ յետոյ պէտք էր մէկ մասն այ վար կախուէր, մինչեւ սրահի տախտակամածը՝ բազմոցին տախտակէ ճակատը ծածկելու համար: Գորգերը փրուուելէ յետոյ շուրջանակի կը շարուէին թանկագին մետաքսեղէն կամ այլ... բարձր պատերուն յենուած ուղղահայեաց ձևով: ... պատուոյ կամ ստոյնանի համեմատ կը շարուէին ծալազատիկ կամ ծնկաչօք հանդիսականները ամբողջ բազմոցներու երկարութեամբ: ... յետոյ կը բերուէր ճաշի մեծ սեղանը ընդհանրապէս բոլորակ. սեղանի լայնութիւնը կամ տրամագիծը քիչ պակաս էր բազմոցներու մէջտեղ մտացած դատարկ միջոցէն: Սեղանը կազմուած էր մի շարք մաքուր տախտակներէ որոնք միացած էին իրարու ծխնիններով եւ ի հարկին կը ծալուէին»:
(Արարատ. - Պուէնոս Այրէս, 1845, Յունուար, էջ 242: Հայաստանի Արքուեանական եւ իշխանական Ապարանքները եւ անոնց ներքին կենցաղը):